



ZUBIETAKO UDALA
(Nafarroa)
31746

Ainhoa Mindegüia Santesteban
Pedro Hilario Santesteban Loyarte.
Txomin Hualde Elizalde

2024ko urriaren 23an, 8:00etan, ez-ohiko biltzarrean elkartzen dira Zubietako Herriko Etxean ondoan aipatzen diren zinegotziak, legeak eskatzen duen bezala deitu eta gero. Ernesto Dominguez Olea —Alkatea— da bilkurako burua eta idazkaria, Izaskun Mielgo Rey. Gai Zerrendako gai hauek aztertu dira:

Bilkuran hasi aurretik, gaiordenean sartu ez den gai bat aurkeztu du Udalburuak: Garraioen eta Mugikortasun Iraunkorraren zuzendari nagusiaren irailaren 25eko 216/2024 EBAZPENAREN bidez, Nafarroako toki entitateei 2024 eta 2025 urteetan bizikletentzako azpiegiturarako proiektuak gauzatzeko dirulaguntza emateko deialdia ebatzen da. Dirulaguntza eman denez eta 2024ko urtean esleitu beharra dagoenez, Udalburuak gaiaren premia aztertu du, bozkatzera deitu eta zinegotzi guztien oniritziarekin, gaia **gai ordenean sartzea erabaki da**.

1.- ZUBIETAKO HERRIKO OSTATUKO SUKALDEA BERRITZEKO OBRAK KONTRATATZEKO ESPEDIENTEA. ESLEIPENA.

Zubietako Udalean, 2024ko urriaren 16an 10:00tan, Kontratazio Mahaia bildu zen, Dokumentazio Administratibo eta Ekonomikoa irekitzeko.

Administrazio Klausula Partikularren Pleguan xedatu bezala, “REFORMA DE LA COCINA Y ADECUACION DE ESPACIO COMUN HERRIKO ETXEA DE ZUBIETA.” esleipenari dagokionez.

Lizitaziora aurkeztu diren enpresen dokumentazio administratiboa idazkariak akta aurkezten du, hurrengoak onartuak egonda:

- I.M.ARRIXKO IGELTSERITZA S.L
- CONSTRUCCIONES ELIZAGA MUGIKA S.L

Ondoren, dokumentazioa ekonomikoaren emaitzaren akta:

Nº	EMPRESA	Puntos
1	I.M.ARRIXKO IGELTSERITZA S.L	87,21 puntos
2	CONSTRUCCIONES ELIZAGA MUGIKA S.L.	80,00 puntos



ZUBIETAKO UDALA
(Nafarroa)
31746

Kontratazio Mahaiaren aktak ikusita, osoko bilkurari behin behineko proposamena aurkezten dio “Reforma de la cocina y adecuacion de espacio comun herriko etxea de zubieta.” obraren esleipena I.M.ARRIXKO IGELTSERITZA S.L enpresari egitea 67.500€ eurotan, Bez gabe. Pliegoetan eskatutako dokumentazioa aurkeztu duela egiaztatu du. Espedientea ikusirik, alkateak bozkatzera deitu du eta Osoko Bilkurak, bertaratutako guztiak bat etorrita, aho batez **hurrengoa erabaki du:**

1. I.M.ARRIXKO IGELTSERITZA S.L. enpresari esleitzea “**Reforma de la cocina y adecuacion de espacio comun herriko etxea de zubieta.**” obren kontratazioa, 67.500 € (BEZ gabe).
2. **Enpresa esleipendunari kontratua formalizatzeko agirietan eskatzen diren agiriak aurkezteko eskatzea. Pliegoen 17 eta 18 puntuak.**
3. **Zubietako alkateari kontratua siñatzeko boterea ematea.**
4. **Erabakia enpresa esleipendunari eta gainerako lizitatzaillei jakinaraztea.”**

2.- MOZIOA.

Baztango udalak aurkeztutako mozioa Oronozen egin beharreko Lanbide Heziketa zentroaren proiektuaren inguruari buruzko mozioa irakurri ondoren, Udalburuak bozkatzera deitu eta Udalbatzak **aho batez hurrengoa erabaki du:**

1.- Mozioa onartzea.

2.- Akordioa, Nafarroako Gobernuari eta Hezkuntza Departamentuari jakinaraztea.

“Urte aunitz pasa dira Baztan-Bidasoa eskualdean erreferentziatzeko Lanbide Heziketa zentro integratu baten beharra identifikatu zenetik. Bide horretan, 2012an eman ziren lehenbiziko pausuak.

Geroztik, eskualdeko Udal guztiak, Elizondo Lanbide Eskolak, Berako Toki Ona institutuak eta eskualdeko eragile sozio-ekonomikoek bat egin zuten eskualde osorako lanbide heziketa zentro integratu berri baten proiektua garatzeko ekimenean.



ZUBIETAKO UDALA
(Nafarroa)
31746

2016an Geroa Bai, EH Bildu, Podemos eta Izquierda-Ezkerrak Nafarroako Parlamentuan Baztan-Bidasoa eskualdean ikastetxe berri bat eraikitzeko eskaera aurkeztu zuten eta mozioa aho batez onartu zuen Nafarroako Parlamentuak.

Zenbait pausu eman ondotik, 2022ko uztailean Nafarroako Gobernuak Oronozko zentro integratu berriaren erredakzioaren lizitazioa atera zuen eta 2023ko otsailean esleitu zuen, 435.000 euroan.

Paraleloki, Oronozko ikastetxe berriak izanen duen hezkuntza eskaintza landu zen eta Elizondoko eta Berako ikastetxeetako hezkuntza eskaintzaz gain, Oronozko Lanbide Heziketa zentro berrian Agroekologia ikasketak eskaintzea adostu zen, Baztan-Bidasoko udalgintza eta hezkuntza sektoreek zein sektore sozio-ekonomikoak egindako azterketan oinarrituta, izan ere, eskualdearen garapen integralerako estrategikotzat jo zen. Agroekologiarekin batera, Hezkuntza Departamentuak Informatika ikasketa berriak eskaintzea ere aurreikusi zuen.

Gaur egungo hezkuntza eskaintzari dagokionean, aipatu behar da, eskualdeko beharrei erantzuteko helburuarekin, Elizondo eta Berako ikastetxeetako eskaintza dibertsifikatua dela, eta eskaera ere handia dela. Azken urteetan lau ziklo berri jarri dira eta Lanbide Heziketako matrikula bikoiztu egin da.

2024 urte hasieran zentro integratuaren obren lizitazioa atera eta martxoan esleipena hutsik gelditu zen. Esleipena hutsik gelditu ondotik Nafarroako Gobernuak jakinarazi zuen hutsik gelditzearen arrazoiak aztertuko zituela eta esleipen prezioa igo gabe proiektuaren berregokitze bat egingen zuela, 2024 urte bukaeran berriz ere obren lizitazioa egin ahal izateko.

Dena den, orain Nafarroako Gobernuak jakinarazi du aurten ez duela lizitazio berririk egingen. Proiektua birdimentsionatu behar dela ohartarazi du eta 2025ean proiektu berri baten erredakzioa lizitatu ondotik, Oronozko Lanbide Heziketa zentro berriaren obrak 2026an hasia aurreikusten du. Gainera, bere garaian adostutako hezkuntza eskaintza berrikusi behar dela dio, orain arte adostutakoa ezbaian jarritz.

Honen aitzinean, Baztan-Bidasoko Udal guztiek, Elizondo Lanbide Eskolak, Berako Toki Ona institutuak eta eskualdeko eragile sozio-ekonomikoek azken egunetan egindako bileretan berretsi dute eskualdean erreferentziazko Lanbide Heziketa zentro integratu baten beharrak bere horretan segitzen duela, baita aurreikusitako hezkuntza eskaintzak ere, horregatik,

PROPOSATZEN DUT

- 1- Nafarroako Gobernuari eta Hezkuntza Departamentuari exijitzea Oronozen aurreikusitako Lanbide Heziketa zentro berriaren proiektu berdinarekin jarraitzea eta lehenbailehen martxan jartzea. 2015ean Nafarroako Parlamentuko hezkuntza batzordeak Elizondo Lanbide Eskolara egindako bisitaren ondotik idatzitako txostenean argi erraten zen ikastetxea “egoera tamalgarrian” zegoela. Orduetik ez da inbertsio erranguratsurik egin, ikastetxe berria eraiki behar zela argudiatuz.
- 2- Eskualdearen etorkizunerako estrategikoa den heinean, Nafarroako Gobernuari eta Hezkuntza Departamentuari exijitzea Oronozko Lanbide Heziketa zentro berrirako orain arte aurreikusitako hezkuntza eskaintza mantentzea.”



ZUBIETAKO UDALA
(Nafarroa)
31746

3. URAREN BIDEA KONPONTZEKO HITZARMENA DONEZTEBE, ELGORRIAGA, ITUREN ETA ZUBIETAKO UDALEN ARTEAN

Garraioen eta Mugikortasun Iraunkorraren zuzendari nagusiaren irailaren 25eko 216/2024 EBAZPENAREN bidez, Nafarroako toki entitateei 2024 eta 2025 urteetan bizikletentzako eta bizikletentzako azpiegituretarako proiektuak gauzatzeko dirulaguntza emateko deialdia ebazten da. Ebazpen horren bidez, Iturengo, Zubietako, Elgorriagako eta Doneztebe Santestebaneko udalei 48.367,02 euro, 29.803,09 euro, 19.400,43 euro eta 9.673,40 euro eman zitzaizkien, hurrenez hurren.

Aipatutako udalek Uraren Bidea konpontzeko sinatutako hitzarmenaren testua aztertu da.

Uraren Bidea konpontzeko eta obra egiteko eta aipatutako dirulaguntza kobratzeko izapideak kudeatzeko interes komuna dagoenez, Udalbatzak **aho batez hurrengo erabaki du:**

1.- Doneztebe, Elgorriaga, Ituren eta Zubietako udalen arteko hitzarmena onartzea, Uraren Bidea konpontzeko.

2.- Iturengo alkate Francisco Javier Bereau Miquelarena jaunari ahalmena ematea dirulaguntza kobratzeko izapideak eta horretarako behar diren agiri guztiak kudeatzeko.

3.- Erabaki hau Iturengo Udalarari helaraztea.

Eta bertzerik ezean, 8:20ak direnean, alkate jaunak bilera akitutzat eman du, eta nik, neronek, idazkaria naizenez, ziurtatzen dut.